

大唐開元禮



大唐開元禮



大唐開元禮卷第一百三十九

凶禮

三品以上喪之二

將葬

陳車位

陳器用

進引

引輓

輓在庭位

祖奠

輓出升車

遣奠

遣車

器行序

諸孝從柩車序

郭門外親賓歸

諸孝乘車

宿止

宿處哭位

行次奠

親賓致賄

墓上進止

塋次

到墓

陳明器

下柩哭序

入墓

墓中置器序

掩壙

祭后土

反哭

虞祭

將葬

陳車位

啟日之夕納柩車於大門之內當門南向進靈車於
柩車之右內外所乘之車陳於大門外丈夫之車門
西婦人之車門東俱服重者在上以近門外女子子
妻妾之車以木爲之不漆飾無者以簾條衣車以蒲
纏轆轤若白土堊之以麤布爲幌幰周及大功之車
以白土堊之或衣簾條皆以布爲幌幰其布如掌事服布
者預於宿所張吉凶帷幕凶帷在西吉帷在東俱南
向設靈座於吉帷下如常式

陳器用

啟之夕發引前五刻撻一鼓為一嚴無鼓者量時行事陳布

吉凶儀仗方相黃金四目為方相誌石大棺車及明器以下

陳於柩車之前一品引四披六鐸左右各八黼翬二

黻翬二畫翬二二品三品引二披四鐸左右各六黻

翬二畫翬二引者引輜車索也披者繫於輜車四樹在傍執之以備傾覆鐸者以銅為之所

以節挽者翬者以木為筐廣二尺高二尺四寸其形方兩角高衣以白布柄長五尺黼翬黻翬畫黼翬文

於翬之內四緣畫以雲氣畫翬者內外四緣皆畫雲氣也

進引

二刻頃撻二鼓為二嚴掌饌者徹啟奠以出初徹奠

內外俱興立哭於位執紼者皆入掌事者徹帷持翬

者升以翼障柩執紼者升執鐸者入夾西階立執纛
者入當西階南北面立掌事者取重出倚於門外之
東執旌者立於纛南北面諸執披紼鐸旌纛翼者皆布深衣介幘陳布
將訖搥三鼓爲三嚴進靈車於內門外南面祝以腰
輿詣靈座前內喪則婦人執腰輿祝於輿左西面跪昭告曰孤
子某母稱哀子謹用吉辰奉歸先寢若新卜宅云靈車就
引神道紆迴惟以荒寥無任鯁絕興立少頃腰輿出
降自西階羽儀從者如平生詣靈車後少頃輿退

引輜

將引輜

輜卽柩車也

執鐸者俱振鐸引輜降就階閒南向

初輶動及進止執鐸者皆振鐸每振先搖之搖訖三振之其持娶者恆以娶障於輶車輶降階執纛者卻行而引輶止則迴北面立執旌者亦漸而南輶止迴北向立主人以下以次從輶而降主婦又次其後降

輶在庭位

輶至庭

庭內先施席以居

主人及諸子以下立哭於輶東西

面南上祖父以下立哭於輶東北南面西上異姓之丈夫立哭於主人之東南西面北上婦人以次從降妻妾女子子以下立哭於輶西東面南上祖母以下立哭於輶西北南面東上異姓之婦人立哭於主婦

西南東面北上內外之際障以行帷

凡帷用如服布

國官立

哭於執紼者東南北面西上僚佐立哭於執紼者西
南北面東上

祖奠

庭位既定祝帥執饌者設祖奠於輜東如大斂之儀
祝酌奠訖進饌南北面跪曰永遷之禮靈辰不留謹
奉柩車式遵祖道尙饗興退少頃徹之

輜出升車

執披者執前後披執紼者引輜出輜車動旌先纛次
主人以下從哭於輜車後婦人次哭於後輜出到輜

禮記集說卷第二十九 四
車執紼者解紼屬於輶車設帷障於輶車後執紼執
披者如常遂升柩內外哭位如在庭之儀

遣奠

既升柩祝與執饌者設遣奠於柩東如祖奠之禮祝
酌奠於饌前少頃徹之

遣車

既遣奠掌事者以蒲葦苞牲體下節七苞以繩束之
盛以盤載於車列於旌前

器行序

徹遣奠靈車動從者如常鼓吹振作而行先靈車後

次方相車次誌石車次大棺車次輶車

誌石與大棺車若先設者

不入陳

次明器與次下帳與次米與

五穀米實以五

布之次

次酒脯醢與

酒實以壺各五升罍用功布醢

次

苞牲與次食與

食與盤碗俱足方相以下駕士馭

次

銘旌次纛次鐸

鐸分爲左右

次輜車

諸孝從柩車序

主人及諸子俱經杖衰服

禿者衰巾加經

徒跣哭從諸丈夫

婦人各依服精麤以次從哭出門內外尊行者皆乘

車馬哭不絕聲

郭門外親賓歸

出郭若親賓還者權停柩車內外尊行者皆下車馬
依服之精麤爲序立哭如式相者引親賓以次就柩
車之左向柩立哭盡哀卑者再拜而退婦人亦如之
諸孝乘車

親賓既還內外乘車馬

若墓遠及病不堪步者雖無親賓還主人及諸子亦乘至

車去墓三百步皆下

宿止

靈車到帷門外迴南向進腰輿於靈車後威儀從者
如常少頃輿入詣靈座前少頃降出遂進常食於靈
座若食頃徹之

每至停宿之所設靈座於室進食皆如初

柩車到入凶帷

停於西廂南轅祝設几席於柩車東

宿處哭位

初至宿處內外皆就柩車所主人及諸子以下於柩車之東西面南上妻妾女子子婦人於柩車之西東面南上祖父以下於柩車東北南面西上異族有服者於柩車東南西面北上祖母以下於柩車西北南面東上異姓婦人又於柩車西南東面北上國官於帷外柩之東北面西上僚佐於帷外柩之西北面東上俱立哭盡哀

行次奠

凡停宿進酒脯之奠於柩東如常奠之儀既設奠內外各還次迭哭不絕聲及夕內外就柩車所哭進夕奠如朝奠之儀訖迭哭如常厥明又就位哭進朝奠亦如之若食頃徹之吉凶儀仗依式發引內外從哭如初儀

親賓致贈

賓有贈禮在主人設祖奠之時賓立於大門外西廂東面從者以筐奉玄纁立於賓西南俱東面牽馬者以馬陳於賓東南北首西上相者入告遂詣主人之左北面受命出到賓前西面曰敢請事賓曰某敢贈

相者入告出曰孤某須矣賓之從者坐奠篚取幣興詣賓前西面以授賓退復位相者引賓入牽馬者先以馬入陳於輜車南北首西上賓入由馬西當輜車東南北面立內外權止哭賓曰某諡封若某位將歸幽宅敢致賵辭畢而哭內外皆哭主人拜稽顙賓止哭相者引賓進輜車東西面奠幣於車上相者引賓又由輜車前以西而出初賓出掌事者由主人右詣輜車東西面舉幣以東東藏之受馬者由前旋牽馬者後適其右受之牽者由前以西而出賓將出主人拜稽顙送之

墓上進止

塋次

前一日之夕掌事者預於墓門內道西張帷幕設靈座如初

到墓

乘車者卑行望墳而下尊行及塋而下序哭靈車至帷門外迴車南向祝以腰輿詣靈車後少頃入詣靈座前少頃以輿降出遂設酒脯之奠如初柩車至壙前迴南向丈夫婦人之位如遣奠之儀

陳明器

掌事者陳明器於壙東南西面北土

下柩哭序

進輜車於柩車之後張帷下柩於輜丈夫柩東婦人
柩西以次進憑柩哭盡哀各退復位內外卑者俱再
拜辭訣相者引主人以下哭於羨道東西面北上妻
妾女子子以下婦人皆障以行帷哭於羨道西東面
北上

入墓

施席於壙戶內之西執紼者屬紼於輜遂下柩於壙
戶內席上北首覆以夷衾